

有部毗柰耶

第二

三百二十一
樂二

49957




元祿九年丙子二月日重脩

皇圖聖圖 帝漸親昌

佛日增輝 懋輪崇轉

山城州天安寺法金剛院置



根本說一切有部苾芻尼毗奈耶卷第二

唐三藏法師義淨奉

制譯

不淨行學處之餘

尔時薄伽梵為迦攝波宣暢法要示教利喜
已從座而去時具壽摩訶迦攝波隨從佛去
作如是念若佛坐時我當奉此僧伽袈裟
以充座是時便有五百羣賊隨逐其後欲為
劫奪世尊知已於路側欲坐時迦攝波往世
尊處速即探衣為佛敷座世尊便坐即命迦
攝波曰此布僧伽袈極是輕妙極是柔軟白
言如是世尊此衣實是輕軟願哀納受世尊



告曰汝能著我麻糞掃衣不答曰唯願世尊
哀愍我故為受輕衣世尊所賜麻糞掃衣我
當披服是時世尊哀愍為受時迦攝波如是
次第於八日中無所證獲乞食自持至第九
日得阿羅漢果尔時妙賢既無所依不閑時
務但觀外相便生敬重遂詣無衣外道而為
出家此女容儀端正無匹外道既見咸生深
心雖極厭汙不能遠離遂被五百無衣外道
共行非法妙賢罵曰仁等作此鄙惡之行豈
成修道女身柔軟既被輕辱受苦難堪即以
其事告無衣外道女諸女答曰汝可往詣大
師瞞刺拏處具述斯事女聞此教便詣師所

樂

慈芻毗奈耶卷二

禮雙足已作如是言我今遭厄極受辛苦幸願慈悲由垂恩濟彼便報曰我由斯衆來敬尊重多獲利養如其制約悉皆分散令我門徒遂成衰減任隨彼意我不能知既見慇懃遂行泥印令二百五十人以為番次時此女人稍減憂惱其王舍城有歡會事妙賢乃與露形外道樂 必留毗耶卷二一處隨行時迦攝波於王舍城在阿蘭若小室中住於日初分執持衣鉢入城乞食忽見妙賢問言賢首汝比頗得安樂而住修淨行不是時妙賢見迦攝波涕泣盈目悲不自持飲淚言曰與誰為伴欲於何處修淨行耶昔我與仁居一柱觀十二年内堅修

妙業淨行嚴潔始終不踰初無染心以手相
觸一從乖異濫投於此雜穢群聚事同畜生
不成出家何有淨行時迦攝波重問其故妙
賢致敬猶如慈父以事白知彼作是念此女
頗有宿善根不斂念觀已知有解脫分善根
誰當濟度知屬於已報言賢首何不於此善
說法律而為出家答曰聖者勿令此中還傳
印法答言止止賢首勿作是說今我大師萬
德圓滿滅一切障是真福田是歸依處微妙
寂靜證真解脫豈容將彼極下方法而相比
耶妙賢聞已歡喜隨行遂將妙賢付大世主
告言聖者此妙賢女心欣勝法極善作意可

與出家時大世主敬受其教即便與彼三衣
等物授諸學處及近圓已告曰汝今宜可於
佛境界乞食資身善修淨行是時妙賢於日
初分執持衣鉢入城乞食時此女人儀貌端
正人間希有衆人見時共生嗟歎何意此女
姿態絕倫虛棄年華不受欲樂能捨榮好而
為出家妙賢聞已遂生慚耻自是之後不復
入城而為乞食時迦攝波因與相見問曰賢
首得安樂不妙賢具答彼聞說已作如是語
若佛許我乞食減半與妙賢者我當分與白
諸苾芻苾芻白佛佛言隨意與半尊者聞已
授其半食以相極濟時吐羅難陀見斯事人

樂 必當毗奈耶卷二

已遂生輕笑謗言聖者大迦攝波與妙賢人
居一柱觀十二年中淨修梵行乃於今日翻
有私情乞食相濟時迦攝波聞斯事已至妙
賢處教其法要此事應作此不應作宜善用
心遂捨而去是時妙賢發大勇猛於初後夜
正念相應剋責自心無暫停息即便證得阿
羅漢果轉成清淨無生之女
尔時迦攝波見而告曰汝今由我善知識故
其所作者皆已作訖宜於佛境界乞食自資
是時妙賢於日初分執持衣鉢入王舍城次
第乞食時未生怨王枉殺其父生大追悔懷
憂在室雖有種種鼓樂弦歌無釋憇惱時彼人

大臣遇見妙賢儀貌端正容色殊勝便作是
念今此美女特異常人宜可進王翼除憂感
作是念已將近王室強逼妙賢脫去法衣著
諸絲服具備瓔珞塗抹名香令親侍人進至
王所時未生怨王纔觀此女姿容妙絕遂釋
憂懷復由妙賢樂 必寫毗奈耶卷二造惡業時熟如瀑流水無能止
遏遂被惡王強見凌辱如中毒箭生大憂苦
是時大世主於十五日欲褒灑陀遍觀尼衆
不見妙賢入定觀知在王宮內遭大辛苦非
常被辱諸尼問言聖者妙賢今何所在獨不
見耶時大世主即便命彼蓮華色尼曰汝應
斂念觀彼妙賢既聞語已觀知所應猶如壯

士屈伸臂頃於尼衆沒王宮中出在高樓上
空中而住遙告妙賢曰姊妹汝已能破諸煩
惱魔何不發起大神通事受斯陵辱時蓮華
色尼便授要法如是應作如是應修速自調
心發起通力是時妙賢繫念除亂於須臾間
獲得神足著俗綵衣乘空而去時蓮華乞便
共妙賢至長淨處時十二衆苾芻尼見已生
大嫌恥作輕笑言我實不能與此宮人同處
長淨時大世主聞斯語已告妙賢曰具壽宜
往白王著先法服速還來此于時妙賢即乘
神通至王寢處其王猶睡在於空中彈指作
聲王聞覺已便大驚怖身毛皆豎作如是言

汝為是誰為天龍耶為神鬼耶作是語已是
時妙賢空中對曰我非天龍神鬼等但是大
師聲聞象中妙賢忒芻尼時王聞已以頌答
曰

現無法衣并應器

容伏復不似尼形

相貌既同侶艷女

法俗相違當為說

樂

法華經卷二

是時妙賢縱身而下以事告曰

五

大王非理相凌逼

強奪我鉢并法衣

宜應見授父母財

我欲速歸為長淨

時未生怨王聞是語已悶絕躡地以冷水灑
面方能醒悟便禮雙足求哀致謝即索衣鉢
敬授妙賢既受得已即還本處與諸尼衆而

為長淨

爾時諸苾芻尼以妙賢事告諸苾芻苾芻白
佛世尊以此因緣集苾芻尼諸佛常法知而
故問依時問非時不問有利問非利不問破
決隄防為除疑惑告妙賢苾芻尼曰汝實作
斯不端嚴事耶白言實尔世尊復問汝受樂
不白言世尊我已離欲豈容受樂佛言汝今
無犯然苾芻尼作不淨行犯波羅市迦如蘇
陣那我觀十利廣說如上乃至顯揚正法廣
利人天為諸聲聞苾芻尼弟子於毗奈耶中
制其學處應如是說
若復苾芻尼與諸苾芻尼同得學處不捨學

處學羸不自說作不淨行兩交會法乃至共

傍生此苾芻尼亦得波羅市迦不應共住

若復苾芻尼者有其五種一名字苾芻尼二

自言苾芻尼三乞求苾芻尼四破煩惱苾芻

尼五白四羯磨苾芻尼名字苾芻尼者如人

立字名作苾芻尼或世共計或是苾芻尼種

樂 苾芻毗奈耶卷三

族因此喚為苾芻尼是謂名字苾芻尼云何

自言苾芻尼若人實非苾芻尼自言我是苾

芻尼或是賊住等自稱苾芻尼是謂自言苾

芻尼云何乞求苾芻尼如諸俗人常為乞求

以自活命是名乞求苾芻尼云何破煩惱苾

芻尼若能斷諸漏所有焦熱諸苦異熟未來

生死能善了知永除根本如斬多羅樹頭證
不生法是名破煩惱苾芻尼云何白四羯磨
近圓苾芻尼謂身無障難作法圓滿是不應
訶是名羯磨苾芻尼今此所言苾芻尼義者
意取第五言復者謂更有餘如是流類與諸
苾芻尼者謂共諸餘苾芻尼輩同得學處者
若存先受近圓已經百歲所應學事與新受
者等無有異若新受近圓所應學事與百歲
者事亦不殊所謂尸羅學處持犯軌儀咸皆
相似而得故名同得學處
言不捨學處者齊何名為不捨學處謂對顛
狂心亂痛惱所纏聾瘡癡人而捨學處皆不

名為捨若中方人對邊方人作中方語捨不
成捨若解成捨若邊方人對中方人作邊方
語若中方人對中方人作邊方語捨不成捨
若解成捨若邊方人對邊方人作中方語准
上應知若於獨靜處作獨靜想或於獨靜處
作不獨靜想或於不獨靜處作獨靜想皆非
捨學處樂 卷二若對睡眠入定非人天等變化倍生
及諸形像或時鬧亂或不審告住本性人皆
不成捨言學羸不說者應為四句有非捨學
處學羸而說有捨學處非學羸而說有捨學
處學羸而說有不捨學處非學羸而說云何
非捨學處學羸而說如有苾芻尼情懷歡戀

意欲還俗於沙門處無愛樂心為沙門所苦
羞慚厭背詣苾芻尼所作如是言大德知不
梵行難立靜處難居獨一難住難居林野受
惡卧具我憶父母兄弟姊妹受業師主我欲
學諸工巧及營本業於我家族情希紹繼心
不樂在若苾芻尼雖作如是追悔言辭然而
不云我捨學處是名學贏而說非捨學處云
何有捨學處非學贏而說如有苾芻尼詣苾
芻尼所作如是言大德存念我某甲今捨學
處是名捨學處或云我捨佛法僧或云我捨
蘊咀羅毗奈耶摩啞里迦或云我捨鄔波馱
耶阿遮利耶或云知我是求寂女知我是俗

人扇佗半擇迦女汙苾芻殺父害母殺阿羅
漢破和合僧惡心出佛身血是外道女是趣
外道女賊住別住不共住人乃至說云我於
諸姊妹等同法同梵行者非是伴類是名捨
學處非學羸而說云何學羸而說亦捨學處
如有苾芻尼樂 苾芻耶卷二情懷顧戀乃至作追悔言而云
我捨學處廣說如前乃至非是伴類是名學
羸而說亦捨學處云何不捨學處非學羸而
說謂除前相是謂學羸不說言作不淨行者
即是行姪言姪欲者謂兩相交會法者此壞
非法名法身業行非名作乃至共傍生謂獼
猴等此者謂指其人苾芻尼者謂得苾芻尼

性云何苾芻尼性謂受近圓云何近圓謂白
四羯磨於所作事如法成就將近涅槃故名
近圓又其進受人以圓滿心希求具戒要期
誓受情無恚恨以言表白語業彰顯究竟滿
足故名圓具波羅市迦者是極重羅極可厭
惡是可嫌棄不可愛樂若苾芻尼纔犯之時
即非沙門女非釋迦女失苾芻尼體乖涅槃
性墮落崩倒被他所勝不可救濟如截多羅
樹頭更不復生不能鬱茂增長廣大故名波
羅市迦

言不共住者謂此犯人不得與諸苾芻尼而
作共住若褒灑陀若隨意事若單白白二白

四羯磨若衆有事應差十二種人此非差限
若法若食不共受用是應擯棄由此名為不
應共住此中犯相其事云何

攝頌曰

於三處行姪

三處隔不隔

壞不壞死活

半擇迦女男

見他睡行姪

或與酒藥等

被逼樂不樂

犯不犯應知

卷二

九

若苾芻尼於其三處作不淨行行姪欲法即
得波羅市迦云何三處謂大小便道及口若
苾芻尼共三種人行姪欲法三處纔入作不
淨行即得波羅市迦云何為三謂人男非人
男僇生男若苾芻尼作行欲心為受樂意隨

順欲念於活人男起溲汙意入不壞三瘡以
有隔入有隔以有隔入無隔以無隔入有隔
以無隔入無隔入大小便道及口即得波羅
市迦如於人男如是應知非人男傍生男亦
尔若苾芻尼於死人男三瘡損壞隔等同前
入得率吐羅底也罪如於人男如是應知非
人男傍生男亦尔

若苾芻尼於眠睡苾芻行不淨行睡苾芻於
初中後不覺不知及不受樂無犯行姪者得
根本罪若苾芻尼詣睡苾芻所若初中知後
不知無犯其行姪者得根本罪若初中後皆
知而無心受樂者無犯其行姪者得根本罪

若初中後皆知有心受樂者二俱得根本罪
如尼既尔正學女求寂女事並同然苾芻求
寂男准事應悉若苾芻尼以諸酒與苾芻令
醉著作不淨行而醉苾芻於初中後有知不
知受樂不樂得罪輕重有犯無犯乃至餘衆
與酒令醉如上睡眠廣說如醉既尔若以呪
術樂一 苾芻吐奈耶卷二及藥令彼迷亂於彼諸境作不淨行乃至
餘衆互為得罪有無如上若苾芻尼強逼他
苾芻共行不淨行若被逼者初入之時作心
受樂二俱滅擯若入時不樂入已樂二俱滅
擯若入時不樂入已不樂出時樂二俱滅擯
若被逼者三時不樂無犯逼他者滅擯如逼

苾芻若逼求寂白衣及下餘衆事並准前若
苾芻尼等互相凌逼如上應知

時諸苾芻咸皆有疑請世尊者曰尊者大迦攝
波妙賢先作何業由彼業力二俱少欲佛告
諸苾芻而被二人先所作業還當自受廣說
如餘汝當善聽汝等苾芻乃往昔時於聚落
中有農夫住晨朝牽牛向田耕植妻至食時
為其送食因往林所採取柴薪時有獨覺於
此林中樹下而住其妻乃於他日入林採薪
見彼獨覺身心寂靜容色端然即禮其足瞻
仰而坐農夫恠遲作如是念妻今何故時久
不來即持耕鞭詣彼林所遂見其婦在獨覺

前告言汝與此人作非法事時彼大士聞斯
語已為哀愍故如火鵝王騰身空界現其神
變上發火光下流清水農夫見已深生慚愧
投身于地如大樹崩長跪合掌遙致敬言惟
願大聖真清淨者降天慈悲受我供養獨覺
哀愍樂從空而下必為毗奈耶卷二白言大士我懷疑慮作非理
言願垂容恕即持上饌奉施獨覺合掌足下十一
而發誓願我起惡念皆由欲心願我二人生
生常得少諸欲滌汝等苾芻於意云何往時
農夫者豈異人乎今具壽迦攝波是其妻即
妙賢是從是已來乃至於今二俱少欲汝等
復聽乃往古昔於聚落中有一長者大富多

財後於異時三春屆節百卉敷榮茂林清池
花鳥交映孔雀鸚鵡鵝雁鴛鴦雜類哀鳴群
飛合響長者與諸家眷出遊芳園佛不在世
獨覺出現情懷哀愍受下卧具為上福田樂
居閑靜不共俗交如大犀牛離群獨住時彼
獨覺於芳園所樹下而坐時彼長者將妻既
至林中其行欲為色荒迷不見大士獨覺
聞聲從定而起長者遂見獨覺深起羞慚情
生悔謝為設供養合掌發願我作惡事皆由
耽欲願我二人當來俱得少欲果報汝等恣
芻於意云何昔時長者豈異人乎今具壽大
迦攝波是其妻即妙賢是由是發願故二俱

少欲諸苾芻曰希有世尊具壽大迦攝波及
妙賢女二俱出家佛告諸苾芻非但今生二
俱捨俗而為出家乃往古昔亦復如是汝等
諦聽我為汝說於婆羅痾斯城有一陶師其
作坊內有四獨覺來為求止宿時者大士前
後而至互不相知時一獨覺入火光定遂即
還見樂 必為毗奈耶卷二共相問曰仁今是誰一人答曰仁等頗
聞有王名曰杖瓶其王復有無量億千象兵
圍遶不報言曾聞答言我是問曰仁緣何事
而作出家答言我在高樓乃見鷄鳥持肉而
飛群類隨從遞相爭擊鷄棄其肉而向一邊
其餘衆鳥共相牽掣我見斯事情生厭捨作

如是念何用如此無益之事悉皆棄捨而為
出家復說頌曰

見彼鷄銜肉

衆鳥共交爭

棄之得安寧

是故捨榮位

欲念無真實

猶如夢想到

獨步如犀牛

而在一邊住

復問第二獨覺曰仁今是誰彼即答曰仁等
願聞有王名曰醜面其王復有無量億千馬
兵圍遶不答曰曾聞報言我是復問彼曰仁
以何緣而作出家答曰我在宮中無量億千

兵馬圍遶見二特牛逐一特牛共相舂觸軀
體傷損一牛角折退走而去我既見已情甚
嗟歎而作是念諸有過患貪欲為本心為惱

害深生厭患便即出家復說頌曰

我見二牛爭一特 互相舂觸體損傷

一牛捨難得安寧 有情為欲常懷怖

我若犀牛恒獨步 閑曠安然住一邊

不為諸欲之所牽 得至自在無為處

次問第三獨覺曰仁今是誰彼即答曰仁等

樂 慈芻毗奈耶卷二

願聞婆羅痂斯城有王名曰梵授其王復有

十三

無量億千人衆圍遶不答言曾聞報曰我是

問曰仁以何緣而作出家答言我因三春屆

節百卉敷榮茂林清池羣鳥交映孔雀鸚鵡

鵝鴈鴛鴦雜類哀鳴群飛合響我於一時與

宮人姝女嚴四兵衆出遊芳園隨所周旋與

諸美女歡娛嬉戲。食美飲食疲乏而卧宮人
縱逸貪愛花果。見我眠睡詣諸樹邊採花取
果摧殘樹枝。悉令毀折。我見此已情甚憂歎
此樹向者花果枝葉滋榮鬱茂。忽然凋落。乃
至於此。我身亦尔。此不須疑。復作是念。世間
言論皆惱心神。即皆棄捨。所有國位而作出
家。復說頌曰
我見衆香妙花樹
枝條毀折不堪觀
當知諸欲悉皆然
如彼犀牛應獨處

次問第四獨覺曰。仁為是誰。答曰。仁等頗聞
於瓔珞城有王名曰壯勝。有無量億千人衆
圍遶。不答曰。曾聞報言。我是復問曰。仁以何

緣而作出家答言我在宮中姝女圍遶時有
姝女臂著白螺貝玊隨動手時其玊相擊作
鬧聲響我見斯事情生憂歎此無有識互相
擊觸遂即作聲況人共住豈得安靜然後作
是念世人祇接並惱心識悉皆棄捨而作出

家復說頌曰

樂

法苑珠林卷三

我見環玊莊嚴臂

互相數觸出音聲

十四

當知諸欲亦復然

應如野象孤行宿

是時陶師聞諸大士說斯語已妻告夫曰聖
子此諸大仙皆是國王自在豪貴棄捨榮位
厭離世樂而作出家我等何故不為出家陶
師二子復白父言若出家者誰養我等父曰

子勿懷憂待汝長大吾當出家作是語已陶
師持瓶行取水妻曰聖子我去取水何自
疲勞便奪夫瓶自往河所置瓶于地而去出
家夫聞婦去云我失計今可安家養育子息
年漸長大試其善惡能自活不自食鹽味與
子淡食自契熟果授見生者子白父言我豈
不欲食鹽及以熟果及與淡生云何可食陶
師作念二子已知鹹淡生熟我今時至可遂
先心即便出家逢見故婦曰汝能棄却食妳
小兒耶夫曰我已試與鹹淡生熟好惡並知
方捨來此汝既出家我亦出家勿生憂念汝
等忘芻於意云何往時陶師者豈異人乎今

大迦攝波是妻即妙賢是往時二俱捨俗出家今亦如是時諸苾芻復請佛言大德世尊妙賢先作何業身為金色佛言諸苾芻彼自作業今還自受廣如前說乃至頌曰

假令經百劫 所作業不亡 因緣會遇時

果報還自受

樂 苾芻毗奈耶卷二

汝等苾芻乃往古昔九十一劫時有佛出世

十五

号毗鉢尸如來等正覺十号具足時有王都

王名親慧以法化世人民熾盛豐樂安隱無

諸詐偽賊盜疾疫牛半稻糜在處充滿王愍

黎元猶如赤子其毗鉢尸佛等正覺與六十

二萬苾芻圍遶去親慧王都不遠河邊而住

佛在座時苾芻大衆威嚴尊重光彩超絕後
於異時毗鉢尸如來遊行人間其佛坐處遂
無光彩其時佛妹啓父王言大王世尊今何
處去我願欲見王曰世尊遊行人間為欲化
度諸有情故女言唯願父王以瞻部金隨佛
形量作等身像王即以金作像置佛坐處佛
化緣了迴至王都佛威德故瞻部金像遂失
光色妹見斯事極生奇特心懷淨信於佛足
下長跪合掌遂發願言如佛世尊威光神德
映此金像使無光色從今已後願我生生之
處身相光明與佛相似汝等苾芻昔時女者
今即妙賢是由彼往昔以清淨心發正願故

所生之處身為金色清淨微妙光明赫奕汝
等復觀至誠猛利以不壞心清淨相續由此
善根九十一劫於上福田下勝種子受妙果
報至今不絕并得現報於多劫中顏容端正
復次諸苾芻汝等更聽妙賢曾所作業由斯
福力獲此無比端正超絕顏容金色昔於婆
羅^樂疔斯城有一長者大富多財命其妻曰常
辦飲食為我供養沙門婆羅門後於異時有
一獨覺身心寂靜而行乞食入長者家妻見
獨覺身不端嚴遂不施食既不見與便欲出
行其婢見已請却入宅白夫人曰大家何為
不施食耶夫人告曰今此乞者身無光彩故

我不施婢言曹主豈有勅令但是醜者莫施
食耶夫人曰雖無別勅然我不與婢作是念
我寧不食以已食分可取奉施即便持與于
時獨覺懷哀愍心如大鵝王昇虛空界現諸
神變使女見已長跪合掌而發願言尊者由
身醜故乞食不得我施善根於當來世常得
顏容端正人所樂見是時有王名曰梵授與
無量百千臣佐圍遶而住大士昇空王衆遙
見悉皆仰觀共相議曰今此大士受誰施食
王衆既見而說頌曰

今此大士向誰家
除去貧窮與安樂
於勝上田下福種
能令果報無盡時

王聞是某長者家大士受食長者聞已便即
歸家問是家人與此大仙已分之食即命使
女告曰能為斯事從今已去任汝自治所須
用物隨意而取夫人告婢汝所福分今可與
我彼不肯與夫人懷瞋以杖打頭即便命過
得生三十三天繞生天已天堂宮殿光明赫
奕樂無不照耀慈駕聖宗耶卷二是時帝釋及四輔臣見彼女人十七
微妙端嚴容儀超絕心皆迷亂帝釋言今
此妙女極愛樂者當可與之天帝釋曰誰不
愛樂皆欲得取尔時天帝而說頌曰
我今情極迷 不辨方隅處 用心而守念
僅得且存身

是時天帝第一大臣復說頌曰

天主猶安隱 對此說伽他 如聞大鼓聲

欲亂亦如是

第二臣曰

如杖擊鼓時 唯打聲轉大 如瀑流漂木

欲亂亦如是

第三臣曰

大水漂諸木 相交不暫停 毒蛇張目瞋

欲愛亦如是

第四臣曰

仁等心安泰 能各說伽他 我今自不知

為死為是活

是時天帝及諸大臣共相議曰此臣由耽美
色恐命將盡宜以此女共相供侍時諸苾芻
咸皆有疑請世尊曰大德甚為希有以何因
緣由彼顏容端正可愛諸天迷亂皆說伽他
佛告諸苾芻非但彼時令天感亂而為美頌
乃往昔時亦復如是由此女故城邑聚落諸
樂 區彌毗奈耶卷二
少男子皆於彼所而為歌詠汝等諦聽往時
於一聚落長者有妻顏容端正形儀超絕甚
可愛樂時五少年因至聚落見長者妻情皆
染著心並迷亂令使告知私相求及欲於某
處共為交會時此婦人報夫主曰有諸少年
共來求我我當辱之君當默住令彼羞赧報

其使曰可於夜闇向某處多根樹上暫時相
待我當即至其第一人令向樹東枝上坐次
告第二人可向西枝次第三人可於南枝次
第四人可在北枝次第五人坐樹中枝各不
相知作此處分諸人依語皆住樹上至曉相
待婦人不來其中一人而說頌曰

農夫已向田

妄語既不來

日光今出現
可捨多根樹

其第二人又說頌曰

彼妙者定來 不應為妄語 何因此日光

急速而出現

第三人亦說頌曰

日光已旭旦 農夫往田業 我等如愚羊
在樹受寒凍

第四人復說頌曰

今遭大苦惱 求他婦故然 我等共君迷

夜寒幾凍死

第五人復說頌曰

我不憂已身 樂 茲獨毗奈耶卷二 一夜寒受苦 但愁迦囉樹

枝枯不復生

于時有多根樹神而說頌曰

汝等但憂身 勿憂他外事 樹損有生期

欲苦無停息

汝諸苾芻當知 耽欲之人有如是過 徒受辛

苦事不遂心是故勤求出離生死除欲過患
彼長者妻即妙賢是由端正故能使帝釋及
諸天臣并聚落人心迷意亂今復端嚴顏容
姝妙甚可愛樂見者耽著時諸苾芻復請世
尊言妙賢先作何業於五百外道中而為出
家被他逼惱佛告諸苾芻彼先作業今還自
受廣說如前乃至說頌
汝諸苾芻乃往古昔於婆羅痾斯城中有
姪女銜色活命若得男子五百金錢方共交
會時有五百同邑義人各送金錢於姪女處
請其芳園共為集會姪女得錢往詣期處路
逢王子遂被留連不赴園所彼五百人期時

將過各懷憂惱時有獨覺性懷哀愍受下卧
具為上福田住空閑所於小食時著衣持鉢
詣五百人所時彼諸人見此大士身心寂然
各持美饌而為奉施大士即便昇空現諸神
變廣說如餘乃至合掌發願我等今於最上
福田而興福業當獲此報彼惡姪女取錢不
赴各令我等心生憂惱從彼在俗或復出家
樂 慈習毗奈耶卷二
願我當來常相惱逼共行非法汝諸苾芻於
意云何往時五百人者豈異人乎今五百外
道是其姪女者即妙賢是由此因緣彼雖出
家五百外道尚行惡逼時諸苾芻復請世尊
妙賢先作何業證阿羅漢果復被未生怨王

而為強逼行不淨行佛言由昔願力大德彼
於誰處發斯願耶佛言乃往昔時有一長者
聚妻經久竟無子息長者念曰此妻不生可
別娶婦迎第二妻既至家中得新忘舊輕賤
前妻愛重後婦前妻白夫我受五戒夫見持
戒情生敬重後婦生嫉而作是念作何方計
令其破戒遂將酒與夫飲之令醉引其入房
彼婦睡眠夫便強逼共行非法即於前婦極
生惱恨時有獨覺於小食時著衣持鉢入聚
落中而行乞食至長者家妻見獨覺身心寂
靜持食奉施獨覺哀愍此女人故為現神變
婦人長跪合掌發願我今於上福田所作禱

業使我當來縱此小婦證得神通我願強逼
汙其淨行汝等苾芻於意云何昔時大妻者
今未生怨王是其小婦者今妙賢是雖得阿
羅漢果尚被他逼

時諸苾芻復請世尊大德今此妙賢先作何

業由彼業力於世尊所而為出家斷諸煩惱

樂

菩薩毗奈耶卷二

證阿羅漢於明了中得為第一佛告諸苾芻

大

妙賢先自作業今還自受廣說如前

汝等苾芻乃往古昔人壽二萬歲時有迦攝

波佛妙賢於彼而為出家彼鄔波馱耶是阿

羅漢利智神通最為第一是時妙賢臨歿之

日而發願言如我親教師於迦攝波佛法中

利智第一願我值彼大師釋迦牟尼佛出現
世時得為出家亦授我師利智第一汝諸苾
芻於意云何昔發願厄者今妙賢是由此因
緣今得遇我利智第一時諸苾芻復請世尊
具壽迦攝波曾作何業由彼業故生富貴家
受用豐足顏貌端正人所樂觀已曾千度生
瞻部洲如是東西北洲一一各經千度受生
從四天王盡六欲天乃至光音天各經千生
今遇世尊出家修行斷諸煩惱證阿羅漢汝
等苾芻此迦攝波所造之業果報成熟廣說
如前乃至果報還自受汝等苾芻乃往過去
於波羅痾斯王名梵授以法化世去城不遠

有寂靜處華林鬱茂甚可愛樂有仙人居住止
 深懷慈念哀愍有情常求利益俱與五百仙
 人居住於此佛不在世獨覺出現常懷慈愍
 受下卧具為上福田去仙不遠作草庵住是
 時大士於小食時著衣持鉢入城乞食吹第
 乞已便昇虛空王與臣佐朝集而住遂見大
 士昇於空中度心頂禮王問住處嚴辨好食
 持將奉施每日三時往獨覺所時有童子依
 止仙住而作是念今此大士苦行成就每日
 三時國王參禮作是念已日亦三時詣獨覺
 處又於他日大士持鉢往北拘盧洲乞自然
 粳米飯滿鉢而還香氣普熏仙住林所其仙

樂

必寫毗奈耶卷二

下二

童子至獨覺所白言大士尊於何處得此食
來獨覺報曰從北拘盧洲仙童聞已極生淨
信請獨覺言唯願大仙哀愍我故明日受食
便受其請時諸仙衆皆食根果悉行求覓唯
留童子令看處所于時童子晨朝早起取裨
米一升以乳煮熟滿盛一器將奉獨覺食已
為現神變具說如前乃至合掌而發願言願
我福業所生之處得大富貴容儀端正顏色
雅麗衆人樂觀從是之後千度已於瞻部洲
生東西北洲各生千度從四天王盡六欲天
乃至光音天各經千度又願得逢大師今獲
勝果汝等應修勿為放逸汝等苾芻於意云

何其仙童者豈異人乎今大迦攝波是由昔
供養獨覺發願所生之處大富多財尊勝豪
貴汝等苾芻由是義故我常宣說時諸苾芻
復請世尊具壽大迦攝波先作何業彼由業
力世尊記云於佛教中少欲知足樂住閑靜
常行杜多最為第一

樂 苾芻毗奈耶卷二

十三

佛告諸苾芻迦攝波所造之業果報成熟還
須自受汝等苾芻過去人壽二萬歲時迦攝
波佛出現於世彼佛教中有人出家其親教
師少欲知足常行杜多樂住閑靜彼佛記為
杜多第一彼出家弟子臨終之日而發願言
如我親教師於迦攝波佛法中少欲知足樂

住空閑杜多第一此佛授記當來之世人壽
百歲有釋迦牟尼佛出現世間值彼大師而
為出家亦授記我少欲知足杜多第一汝等
苾芻於意云何迦攝波佛教中出家發正願
者今迦攝波苾芻是我亦說彼於我教中少
欲知足杜多第一時諸苾芻復請世尊具壽
大迦攝波先作何業由斯業力若有醉象見
尊者時即便醒悟佛告諸苾芻此迦攝波五
百生中常為出家而不曾犯惡作之罪由是
因緣見者恭敬

攝前頌曰

二人俱少欲

共修真梵行

常生富貴家

少欲最第一

根本說一切有部苾芻尼毗柰耶卷第二

樂

伽脰下遲反珎反鄙上惡反碑上涕上泣上體上音不踰下音濫

昂反淡反恣下態代他反極上濟上聲上蒸字絃上歌上音作弦非賢褒

灑上博上毛反代反倡反艷上音上躡上地上益上毗反羸力垂咀

羅上達上丁反所易毗奈耶卷三吉郭上波下上唐賀反及反佗力竹家擯咀

棄上刃上必反牽上吐上沒上蘇反互上為上字同新下植力下常犀上牛遍

西上音疢斯上八反尼反陶上師上桃上音鷓鳥上一上尺名脂反遍

第音牽下掣下昌反特下特下音舩觸上底音歡下娛下音愚

嬉上戲上許反佯上行上羊音姝上女解稻上蔗上音之夜反道下

羞下赦下反女旭上且上玉反許幾凍上夜反渠姝妙上朱反昌街

縣音
饌
反床
戀
緝子
上拜
及蒲
杜多
上古
反徒



山城國綴喜郡新村
靈瑞山剛恩菴沙門宗桂書寫之

